

**Menteri Luar Kazakhstan Lawat Malaysia**  
**Bernama**  
**16 April , 2012**

KUALA LUMPUR, 16 April (Bernama) -- Menteri Luar Kazakhstan Yerzhan Kazykhanov akan melakukan lawatan rasmi dua hari ke Malaysia mulai Isnin.

Dalam lawatan pertamanya ke negara ini, Kazykhanov dijadual bertemu dengan Menteri Luar Datuk Seri Anifah Aman bagi membincangkan isu-isu dua hala, serantau dan antarabangsa, menurut kenyataan Wisma Putra.

Kedua-dua Menteri Luar itu dijangka membincangkan lawatan negara dua hari oleh Presiden Kazakhstan, Nursultan Nazarbayev yang dijadual tiba di sini pada Selasa ini.

"Malaysia menyambut baik lawatan Kazykhanov yang dilihat sebagai mencerminkan hubungan akrab yang sedia wujud antara Malaysia dan Kazakhstan," menurut kenyataan itu.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=659218>